

suis regnis et subditis veram et solidam ita conciliare, ut altissimis in utriusque principis pectora immisiss radicibus, nullis deinceps turbinum procellis facile convellatur; nos itaque Guillelmus Cantuariensis archiepiscopus totius Angliae primas ac Apostolicae Sedis legatus, Thomas Dux Norf (*sic*) thesaurarius Angliae, Henricus marchio Exoniae, Carolus comes Edygorum dominus de Herberth et de Golber camerrarius illustrissimi domini nostri regis Angliae, Ricus Eliensis episcopus, Thomas More miles Angliae subthesaurarius praefati invictissimi et potentissimi principis et domini nostri Henrici octavi Angliae et Franciae regis Fidei defensoris et domini Hiberniae consiliarii, oratores, commissarii, procuratores et ambassiatores sufficienter auctorisati pro firma pace amicitia et vera concordia inter eundem potentissimum et invictissimum Regem nostrum et Christianissimum et serenissimum principem Francorum Regem eiusdem domini nostri Regis consanguineum et fratrem charissimum eorumdemque subditos, allegatos et confoederatos, cum egregiis et magnificis viris domino Johanne Brivonense milite, domino de Villames et de Antolio senatus Rothomagensis primario praesidente cancellario Alanconii et consiliorum illustrissimae dominae Ludovicae in Francia regentis praeside, et Johanne Ioachin de Passano domino de Vault hospitii eiusdem illustrissimae Dominae magistro ordinario ac praedictae illustrissimae dominae Ludovicae in Francia regentis Christianissimi ac Serenissimi Francisci Francorum regis antedicti matris oratoribus, procuratoribus, commissariis et ambaxatoribus ad infrascripta sufficientem auctoritatem habentibus, ad honorem et laudem Dei Omnipotentis, Gloriosissimae Virginis Mariae totiusque curiae coelestis et christianae religionis exaltationem et incrementum, convenimus, concordavimus et conclusimus, atque auctoritate commissionum nostrarum, quarum tenores inferius inseruntur, per praesentes convenimus, concordamus et concludimus articulis prout sequitur.

Imprimis, inter nos oratores praedictos conventum, concordatum et conclusum est, quod omnes iniuriae et molestaciones, offensae, gravamina et damna quaecumque a tempore novissimi belli incepti et publicati per dictos illustrissimos et potentissimos principes Angliae et Francorum reges aut eorum subditos terra marive, portibus maris vel aquis dulcibus, ubicumque locorum commissa facta sive perpetrata, remittantur, aboleantur et prorsus deleantur, ac per praesentes remittantur, aboleantur et prorsus delentur, ita quod neuter dicto-

rum principum eorumve subditus quicumque quicquam vultu, verbo, facto aut nutu eorum alteri, impropere aut impingat; sed quod de coetero inter praedictos illustrissimos et potentissimos principes, eorumque haeredes et successores, vassallos, incolas et habitatores ac subditos quoscumque praesentes et futuros, tam ecclesiasticos, quam saeculares, cuiuscumque dignitatis, status, gradus aut condicionis existant, seu quacumque dignitate, statu, sive gradu praefulgeant, eorumque regna, patrias, terras et dominia, civitates, castra, territoria, villas, oppida et loca quaecumque modo per eorumdem aliquem habita, tenta, possessa et occupata sit, bona, sincera, vera, integra, perfecta, fidelis et firma amicitia, unio, liga et intelligentia, confoederacio et pax, per terram, mare et aquas dulces, portus maris et ubique locorum inconcusse et inviolabiliter observanda, et futuris temporibus perpetuo duratura.

Item, conventum, concordatum et conclusum est, quod neuter praedictorum illustrissimorum et potentissimorum Principum eorumque haeredum et successorum regna, patrias, terras, dominia, civitates, castra et territoria, villas aut loca quaecumque in praesencia ad alterum pertinencia sive spectancia hostiliter invadet aut expugnabit, aut a suis subditis aut stipendiariis sic invadi aut expugnari permittet; sed bona fide absque omni fraude et dolo realiter, expresse et cum effectu prohibebit et impediet, nec aliquis praedictorum illustrissimorum et potentissimorum Principum alicui alteri cuiuscumque gradus, status, aut condicionis existat, seu quocumque consanguineitatis aut affinitatis vinculo connectatur, aut quacumque dignitate sive spirituali sive temporali praefulgeat, regna, patrias, terras, dominia, civitates, castra, territoria, villas, oppida aut loca quaecumque ad alterum praedictorum illustrissimorum et potentissimorum Principum modo ut praedicitur pertinencia sive spectancia invadenti aut expugnanti, invadere vel expugnare conanti, auxilium, favorem, subsidium, naves, pecunias, gentes armorum, victualia aut aliam assistenciam quancumque, publice vel occulte, directe vel indirecte dabit aut praestabit, nec a subditis suis dari aut praestari consentiet aut permittet, conveninebit sed realiter expresse renitetur, prohibebit et effectualiter impediet.

Item, conventum, concordatum et conclusum est, quod pro tuicione conservacione et defensione personarum, auctoritatum et dignitatum praedictorum illustrissimorum et potentissimorum Principum, regnorum, patriarum, terrarum, dominorum, castro-